

Da: QUESTO MATRIMONIO SI FARA'...SALVO BRAVATE!

rivisitazione in chiave comico-brillante
del romanzo "I promessi sposi" di Alessandro Manzoni.
Riduzione teatrale in 2 atti trasposta in vernacolo sampietrese e
portata in scena dalla Bottega di Teatro & Altro "A Via Nova" di S. Pietro in Guarano.

LUCIA ("Addio ai monti")

**testi e musiche di Aldo Mazza
anno 2006**

Addiu munti, addiu gienti, addiu paiseddru miu.

Chine s'alluntana de tie, fuossi puru ppe nu jurnu sulu, se sente propriu disperatu.

Chine pue va circa fortuna a n'atra parte, tene `u core chi le ciange; u sape ca nu poch'è sordi e chhjiu si l'abbusc-sca, ma sa puru `a ricchezza c'abbannuna e campa sulu cura speranza e se potì ricogliere.

Ppe mie ca signu crisciuta ndra u calure d' i vrazza tui, oje è nu juornu tristru. Cumu aju `e fare!

Addiu rirogiu ca ccu `i vattiti tui accumpagni `a matina `i patri de famiglia ara fatica, ara `mbrunata `e fimmine ara vespera e a sira `i guagliuni ntra `u liettu.

Addiu chiazza, ca de matina a ssira, de sempre ricuogli la ciroma di guagliuni, lu parrare d'i gienti e re feste, e `u scurririre d'i povaromi. Iu te lassu e `un sacciu si mai cchjiu te puozzu virire.

Addiu casiceddra mia, ca m'ha tenuto sempre ntra `i muri tui, m'ha crisciutu e m'ha fattu diventare fimmina. Iu mi cce viria puru maritata e cu `i figli, ppe `u tiempu c'u Segnure avia pensatu.

Addiu gghjiesa ca ppe mie e ppe tutti si stata sempre nu cunfuortu. Quantu vote m'ha aiutatu a jire avanti e m'ha datu forza e mò eri pronta a m' accogliere ppe benedire u bbene ca vugliu a Rienzu miu. Cumu ce volia trasire vestuta e zita!

Iu un partu ppe cchi vuogliu, ma la sorte cussì ppe mie ha decisu; mi nn'hajiu de jire de notte ar'ammucciuni, cumu nu latru c'arrobba, ppe u volire de nu prepotente.

Chissa è `a cunnanna ppe `i poveri gienti cume mmie ca han'è chjicare a capu quannu c'è nu patrune strajinu ca cummanna.

Chiss'è a giustizia supa ssa terra de chine tene `i sordi e `u potere, ma chissa unn'è a giustizia du Segnure. Ntra `e mane sue me mintu e priegu, sapiennu ca Iddru de ddra supa tutte vire.

Addiu! (*Esce rapida per la comune*).